

小峴山人詩文集

小峴山人詩集卷十八

無錫秦 瀛凌滄

早春游長椿寺

香火城西做法筵春風吹到馬蹏前尋僧半屬中吳語  
寺僧多捫碣重懷萬歷年天上佛花飛作雨人間塵事  
吳人散如煙夢華遺跡金塗塔菩薩真容拜九蓮

長椿寺懷古二首

勝國中衰說大家慈寧仙李繡袈裟中原礦稅民脂竭  
內帑金錢佛力奢寒食荒陵無麥飯法幢遺像有蓮花  
百年事往殘僧盡分付棲鳥話劫沙

田妃魂傍鼎湖弓慘淡儀容失畫工

寺內舊有田妃像已失

鈿合

金釵埋廢苑珠襦玉匣葬幽宮永和寂寞新詞裏彤史

叢殘噩夢中何況橫波妙光閣免葵搖落土花紅

寺有龕

合肥爲顧橫波所建妙光閣今廢

### 人日有感

寂寞京華歲又新白頭今日尙爲人

上年余大病

可憐有女

黃壚畔春到蠻鄉不見春

### 柳色

柳色昏如夢春風喚不醒故人從此去何限短長亭烟  
裊游絲白愁連芳草青那堪攜玉笛吹向客中聽

花影

踏碎一階影輕陰薄似綃祇疑雲冉冉不覺月迢迢壓  
帽扶難起侵簾捲未消石闌斜度處偏隔玉人簫

春夜宿澄懷園溫祭酒貧坡畱飲話舊

澄懷竹木夜堂前不異羣公話集賢

時劉金門閣學陳伯恭少卿同宿集

賢懷舊半皆成異物感時容易過中年如君方領諸生  
席似我終尋萬壑煙那得便隨王少寇

謂述菴先生

遙看白

鶴下吳田

約法學士時帆楊戶部蓉裳蔡侍御式齋陳編修  
碩士陶明府季壽以清明日攜酒出游先之以詩

漠漠春蕪雨後天  
燕山草綠到尊前  
良朋氣味宜投轄  
故國心情逼禁煙  
薄醉風吹詞客面  
嫩寒花壓美人肩  
近游縱欠江南好  
也上雕鞍當畫船

清明日同人集漚寓小飲疊前韻

湖上清明水漲天  
玉簫金管記從前  
春寒禁陌纔絲柳  
日暮侯門欲散煙  
徑糝梁泥窺燕睇  
裝攜襪被上驢肩  
時帆季壽將以翼  
日游玉泉山  
麴塵如夢花如雨  
那得西泠更放船

同人游愍忠寺再疊前韻

屋梢鳩喚午晴天  
聯轡同過古剎前  
殘碣尚橫唐代寺  
蒼松遙入薊門煙  
招魂戰士埋英骨  
說法香林袒佛肩

丈室維摩憑指點茫茫人海合廻船

自愍忠寺游崇效寺三疊前韻

更尋佛界四禪天

進宋美璠

游踪尚憶前紅杏漫山都

似夢

盤山抽公青松紅杏圖尚存寺中

綠楊冒寺又如煙藥欄細雨沾

僧背酒擔斜陽照僕肩公等果能投轄飲儂還消得幾觥船

由崇效寺歸漚寓復得一首四疊前韻

春光將過嬉春天曲闌小倚春風前零星還灑社公雨  
暮歷未消寒食煙煮茶童去聲沸耳負花人歸香滿肩  
隔牆似聞歌水調兀坐疑泛吳孃船

遙憶時帆諸君游玉泉山五疊前韻

豫卜清游近禊天諸君策騎甕山前巖深猶帶殘年雪  
谷轉難分遠壑煙沽酒溪橋排雁齒題詩松寺聳鸞肩  
暮鐘聲裏尋歸路好喚斜陽渡口船

聞自玉泉登小舟可直至高梁橋

出廣渠門赴鮑樹堂侍御之招同游慶豐牖

曉鳥弄新霽歡然悅朝旭喜得故人書告我春醺熟衝  
泥赴嘉招兀兀轉車轂遂出廣渠門萬樹喜如沐花驄  
繫古寺閒門叩剝啄長日豐暇豫瀟灑脫巾服入耳忽  
喧阗牖聲如瀉瀑旋登通路舟泛泛同野鷺一叢楊柳  
煙飛絮不可撲微風蕩纖鱗流雲颺輕縠臯藏岸葦碧

魚戲渚蒲綠髣髴江南游只少花映肉杯罍雜珍錯形骸謝拘束言歸日將墮西山宛在矚

棄雲素齋中小集得詩十首

舊傳退谷讀書堂

雲素居孫公園傳是北海侍郎故宅

夢得於今置石牀

滿院茶蘼春事了森森夏木已千章

年衰我未斷何肉齋禁君翻似太常

雲素茹齋持戒甚嚴

一事破

除煩置酒玉壺花底勸飛觴

白甄紅囊綠雪芽籠頭紗帽自煎茶隔牆依約風聲裏

喚賣豐臺芍藥花

構屋藏書得幾閒烏皮坐擁碧彎環

齋中有池

鉤簾只欠滄



江水拋卻門前大別山

五更聽鼓走篋車忙著朝衫踢輦沙容易得閒招我坐

花前吟到日西斜

誦與新詩石丈聽坡陀還擬縛茆亭轉嫌榆柳鄰家密

遮斷西山一桁青

南園通政君執友

謂錢南園禮

遙望滇池墓草荒學佛學仙

無不可枕邊夢欲醒黃梁

春前曾此醉香醪吹盡東風柳絮高卻憶西行初閣學

黃河三月過臨洮

前借初頤園飲集齋中今願園方獻獄之皋蘭

東南海水沸鯨鯨喜遇兵曹一論兵

謂同席程兵曹同文

頭白老

夫方歛手也從局外看楸枰

漁洋不作竹垞沒寂寞詩人過百年一架藤花壓書屋  
他年誰作舊聞傳

有感

徙薪曲突計還疎煙島春來又羽書豈有孫盧真犯順  
苦無俞戚爲擒渠黿鼉海介終當徙魑魅天邊尚未除  
聞說東南民力瘁軍行無那困儲胥

郊游雜詩

天氣采蘭時候風颭茶檣酒帘帘外玉驄嘶過一鞭微  
雨廉纖

夜來春水平堤三月桃花水漫有人花下垂綸網得鯉  
魚尺半

山塢纔飛燕子人家初種魚苗新水被風吹縐一灣綠  
過溪橋

一匳新鏡平鋪柳外斜陽繫馬泠泠非筑非琴已到玉  
泉山下

長松古寺蒼雪修竹寒潭碧雲攜得一壺春酒來尋耶  
律荒墳

休問金元陳跡勝國也隨飛電牛臥景皇廢陵烏下宣  
宗舊殿

谷口閒尋蘿徑中有退谷舊居祇惜投簪已晚忍讀春  
明夢餘

籬畔童挑玉笋擔頭人賣朱櫻記得江南三月門前處  
處嘵罵

往事如塵似夢吾生只合歸休又是春光去也楊花飛  
白人頭

老夫腰腳已軟興到偶然一吟輸與梧門學士朝朝挈  
侶登臨

送人還浙江

人逢離別淚沾裳況更衰年白髮長薊野草生方送汝

潞河水泮欲還鄉柳花春店吳姬酒杏子輕衫越客裝  
歸日鮪魚初入網東風挂席過錢唐

春愁曲

香溫繡被愁無那春風不似春愁大

鐵厓句

夢魂不遣到

江南惱煞曉鶯啼夢破倚闌慵向落花言攜尊悶對垂  
楊坐明日春歸儂未歸緘得春愁寄誰和

風沙行

長安三月多風沙老夫閉戶惟咨嗟天公妒我好游覽  
一夜吹落林間花誰知吳儂故狡獪鑿風獨騎白鼻騮  
十里五里訪花去蹋徧僧舍兼山家滾滾黃塵仍眯目

不辭烏帽風中斜殘花偶剩三兩樹有若病女臨窗紗  
顏色慘淡失煙蛇臙脂零落無妍華卻憶江南此時景  
背癢欲倩麻姑爬溪水都作鴨頭綠平頭艇子雙童划  
笙歌隊隊逐波出小叢低首吹紅牙或尋三柳采尊尾  
或汎五湖烹荻芽螭甕初開下若酒旗槍新焙陽羨茶  
如此風光頗不惡憐我世事徒紛拏九十日春不可駐  
白髮況已交鬢髭一笑且與風伯退夕陽漸吐西山霞  
爲陶季壽題汪澣雲水部畫

澣雲妙筆似王蒙荷葉披麻法最工寫得樊川詩入畫  
水邨山郭酒旗風

八  
黃塵烏帽又經年我憶江南思渺然郭外清溪溪畔柳  
夕陽紅上酒人船

過宋芷灣太史寓齋卽贈

文章重嶺表三載惜分攜復此承明直一椽宜武庫書  
堆籤架滿花插膽瓶齊長日了無事尋君信馬蹄

寄姚姬傳時姬傳在金陵

秣陵烟月近何如一別南朝卅載餘春草全荒謝公宅

故人曾寄粵中書

上年姬傳寄  
余書於粵東

青衫漬酒痕猶溼白髮

論文業未疎想得鍾山吟望處秦淮潮上皖江魚

於季壽處見澣雲爲何春渚題畫之作棖觸舊懷

卽用原韻寄破逃主雲兩長老

春渚別來今五載西泠猶記贈君詩不知此日西泠住  
如此湖山卻付誰

畫中山水入空冥塵土勞勞夢未醒輸與南屏兩居士  
鉤簾常對佛頭青

得海昌友人書卻寄

南中耆舊問行藏遠道傳來字數行把劍窮還餘激烈  
看花老未減清狂故人珍重情千古舊事低徊酒一觴  
擬作報書嫌紙短欲言那更費尋量

白首



白首回思年少日  
鐙前無奈鬢絲何  
春來但做膏騰夢  
事往猶聞懊恨歌  
故國樓臺新燕渺  
長安風雨落花多  
閒愁種種消難得  
爛醉惟拚金叵羅

古別離

生死誓相守  
肯忘山海盟  
漫言恩誼重  
誰道別離輕  
薄命應憐爾  
芳春已負卿  
愁心不堪理  
樓畔有啼鶯

寄舍弟

沆

兼示大兒

綱武

四首

有弟傳書到  
頻言作吏難  
莫辭當務劇  
總要使民安  
積弊奸須革  
持平猛亦寬  
臨川古名壤  
休負此閒官

頭白吾如雪  
清班玷太常  
治龔寧有術  
醫龔更無方  
老

尚存龍性貧難檢鶴糧歸田曾著錄邱壑未能忘

聞道悔已晚隨緣尋我真時還念骨肉不免擾心神  
蔭庇嗟何及艱難媿所親死生餘涕淚孤負百年身

吾兒離

去聲

京國試令適江濱家本傳清白官應勵愼勤

此行逢汝叔好與誦清芬

中齋舜舉兩公前後宦江右皆著聲績

我意誰

能寄惟看左蠡雲

### 題李長蘅畫卷

長蘅墨妙劇蕭閒髣髴前游艤碧灣有夢不離湖上水  
無錢能買畫中山柳陰浴鷺窺人醉花底流鶯喚客還  
果否漁翁肯招隱白雲暫借屋三間

得家書

爲報江南春已中家書一紙託郵筒綠楊邨港青旗雨  
紅杏人家白恰風貰酒隣生期遠客候門稚子盼衰翁  
如何拋卻湖山夢笠澤終當買釣篷

夢中作

疎簾時逗落花香何福能消白日長松色濃分巢鶴逕  
苔痕冷漫釣魚牀青山態不因人熱碧磳聲如送客忙  
婚宦平生容易了好邀孺子咏滄浪

夢郎曲

一自與郎別不復到郎前夢裏尋郎去知郎在那邊

寄石農

驚聞柳下黜六詔莫雲邊舉世誰容直斯人我獨賢離  
愁三歲別遠驛一書傳應羨東甌好僊巖看瀑泉

題嚴香府畫冊十二幀

一片秋林色何人策瘦筇深巖聞鶴語遙指六朝松  
一幅雲林畫家山入眼來西神在何所松石護蒼苔  
密樹粘寒霧蒼巖下急瀧攜童抱琴看夢入富春江  
對岬石峻嶒倒浸滄江冷疎林忽飛動樹杪孤亭影  
木葉落已盡寒煙澹欲無清谿橫暑約前路問樵夫  
一塔斜陽路青莎滿石橋遠山天際碧溪上竹蕭蕭

秋水何淪漣其上有疊嶂試聽滄浪吟斜日孤舟漾  
古寺藏山坳鳥鳴不知處林際杖藜來隣叟相與語  
煙橫葭菼際瑟瑟水風發秋水鴨知門已上林梢月  
蕭疎一樣柳最好是江南愛向江干坐郵亭酒半酣  
古堞連雲起斜扉接樹開有人扶杖看一箇釣船來  
峭壁如天池飛流幾千尺搖搖雪灑空界破寒雲碧

答季壽卽用季壽韻并簡楊蓉裳

一自郊門送臨賀

謂菊溪制府

觸忤新愁愁未破春殘况自

憶家園柳上黃鸝鳴箇箇風姑已謝到婪尾欲汎壺觴  
欠賓佐夢中有淚酌紅螺客裏何心傾白墮花擔入市

買數枝插上膽瓶號奇貨便擬看花訪極樂苦耐惡風  
狂且大衡岳詩人會叩門隱囊紗帽容小坐年衰我只  
思趣栖才壯君應試考課季壽將試爲令世事纔如羊胛熟人  
生莫遣駒隙過可歎吾鄉楊戶部一曲陽春少人和

再贈芷灣太史

君家在嶺嶠我家在梁溪同作京華客各住禁垣西平  
子意不懌莊生物已齊了知解巾誤門外惱輪蹄

輸與

輸與旁人笑阿儂老來事事學疎慵詩情亦似宦情薄  
酒興不如歸興濃去年今年日復日古愁新愁重更重

試看青山北邙上斷碑多少碧苔封

三月十日季壽招同薌泉梧門蓉裳碩士蘭雪諸  
君至法源崇效兩寺看花集飲陶然亭得詩二首  
午風襲游人吹墮四禪界花氣欲破禪且與禪客話丁  
香藥猶繁海棠顏已敗狼籍隨游絲春愁不堪賣同游  
十數子好倩妙手畫我將斷聲聞惟嗜聽梵唄出門復  
登車游興尚未憊

飛亭聳坡陀翼然胷林樾前簷榆柳垂搖風坐超忽我  
從葦間來伊軋車兀兀登高望行者烏帽出復沒百雉  
雄城郭金銀睹雙闕西山墮煙霧凝睇一柱笏悵悵芳

春闌蘭蕙漸云歇鄉思浩難任吳岫渺一髮未厭文字  
飲何嫌巨觥歸鞭指斜陽已上林梢月

訪趙象菴遇吳蘭雪

首夏得清氣高齋無俗情鳥啼喧石徑客到沸茶鎗梧  
影碧千尺藤花紅一棚座中逢季子爲說買傾城

吳方買姬

撥悶四首和蓉裳韻

舞絮游絲望不分春殘多化水邊雲銜盃無地堪埋恨  
讀史何心尚策勦舊事已拋南國夢故人須勒北山文

相思不少良朋在寄遠還應誦五君

謂松靄兔牀潛山小海書集

故國書來勸我歸當年種樹已成圍山中松老如人瘦



湖上鷗閒淡水肥煙月應知局戶好風塵已悟解巾非  
子雲此日金門隱骯髒誰憐臣朔飢

愁聽頻年薤露歌匆匆世事總蹉跎貞元朝士看幾盡

陸氏門徒淚較多

余居魏染衛衛近  
賓東臯夫子舊邸

南海何人貽簡牘

謂馮  
魚山

西冷無客臥煙蘿

謂潘  
蘭公

九原不作陳驚坐

謂陳  
每田極

目瀟湘但逝波

芙蓉巖畔認前因

余舊夢是芙  
蓉巖一老僧

面目於今已失真埽地

焚香叅古佛牽蘿補屋憶佳人蒲團欲證无生法劫火

難成不壞身從此碧山容我隱采芝行藥不憂貧

爲陶雲怡題深柳讀書堂圖

絲絲楊柳映柴門，染得烟痕與水痕。  
長觸青溪卅年夢，夕陽繫馬莫愁村。

家住南朝舊治城，琅邪佳壻最知名。  
蕭蕭隣笛無窮感，一段淒涼畫不成。

雲怡爲主葑亭通政女夫

### 題汪漸雲山水

濛濛山上雲搖漾，如飛帛誰知白雲裏。  
剡天橫絕壁其下，楓樹林烏榜傍溪石疑入新安江。  
倒影蕩深碧。

題陸義山諸先生崇效寺雪公丈室看梅詩後

同游

者七人：陸義山、徐勝力、龐雪厓、袁杜少、馮方寅、喬石林、李公凱。皆康熙己未鴻博。惟石林詩缺。

已公茅屋閉蒼苔，殘臘年光少客來。  
誰道城南風雪裏，

有人聯騎訪寒梅

已朱諸公去邈然零星遺墨託雲箋當時先子江南住  
已返初衣二十年

上已後一日過高梁橋至極樂寺

楊柳碧於水閒禽如喚人不逢挑菜侶已過采蘭辰細  
雨吹魚浪東風逐馬塵西山忽在眼藥院坐苔茵

畏吾邨

私邸依寒渚歸心夢碧湘畏吾邨畔路來拜李東陽天  
意容貂豎人情戀武皇同年餘幾輩恨不斬焦芳

四月二十一日將赴薊泉之招先得詩一首卽疊

李壽韻

昨日移官客致賀倒換頭銜例初破

以奉常改京尹自余始

出門

豈有赤棒威僕隸新添兩三箇折柬相招喜故人名醪  
兼得嘉肴佐塵沙輾轉幾二旬吾身何幸花間墮石闌  
橫斜雜卉放紅白參差勝財貨頽唐我向玉山筵座上  
誰人戶稱大湘陰謫官典尚豪月底移尊向花坐儂家  
城西舊草堂種花日日園丁課別來那免猿鶴驚少壯  
匆匆時已過無錢也要約農曹

謂蓉裳

歸去陸皮同唱和

題嚴香府山水冊子

我本不解畫卻識畫中趣香府工畫法真趣無弗具一

小樓山人詩集 卷一  
幘一圖清且幽布置林壑何縈糾彷彿坐我慧山下松  
風萬塢風颼颼松子聲聲石牀響秋山木落空林廣何  
來匹練橫半腰瀑布飛流一千丈是耶非耶雪灑空又  
擬全身入雁宕散水巖下仙人橋交暘無風亦蕭爽松  
從雲際露鱗爪擎攫空中各俯仰忽然放筆凌長江絕  
壁高懸不可上山木唯聞叫子規百尺潭邊挂魚網長  
安六月暑鬱蒸穿牕入牖飛蟲蠅忽見此冊冷沁骨疑  
臥福地層巖冰江海舊游渺何處况上家山隔烟霧西  
神蒼叟會招人明年終向山中住

爲蘭雪題蓮花博士圖

放翁嘗自號蓮花博士蘭  
雪觀荷於淨柔湖亦以此

自號

蓮花博士不飲酒牀頭酒錢亦何有得錢沽酒爲看花  
要試平生弄花手朝來紅雲飛滿湖波光倒浸白玉壺  
雖然不是鑑湖曲彷彿鏡裏來千姝翠羽翩翩泣幽露  
美女新妝盡回顧就中樓閣似蓬萊容得吳郎此中住  
放翁化去六百年鑑湖可有花爲田復此頭銜付吾子  
兩腳踢碎玻璃天我本西泠舊仙吏湖樓東角孤山寺  
蓮花萬柄待儂看無緣一旦成拋棄欲向山中種石蓮  
吾輩俗骨無由蠲人間富貴且勿道天上故人誰薦賢  
蘭雪出扇索書并約爲城南之讌是日適移居京

兆府賦此卽書以貽之

蘭雪約我城南譙袖中忽出白紙扇扇頭索我寫新句  
我不工書手先顫是日移居京兆府夜來月色盈庭院  
樹影離立疑有人獨坐寒光照如練故人多向城南居  
遙望無殊隔鄉縣明朝出城赴爾招下馬高齋集羣彦  
櫻桃正熟梅子肥鷥粟初開石榴絢醋鯉魚呼宋嫂烹  
鼈餛飩想吳兒薦二事乃杭嘉故實偶憶及之誰與娓娓霏清言若  
箇觥觥逞才辯談文祇擬三舍避敘齒何堪首席選吁  
嗟斯事且勿論先以此詩書便面

偶興

庭前瓜架蔓牽牛籬豈花開絡緯秋東墅聞雷西墅雨  
斜陽還在樹梢頭

夜坐

端居寂無懽何以媚幽獨斜雨響疎櫺流螢溼脩竹欲  
把楞嚴經一向燈前讀

由積水潭至詩龕小集畱贈時帆

涼風動荷渚雨餘生夢綠行行到詩龕嘉石間林木高  
朋四五人相狎無迂觸雖然在城市瀟灑數間屋客喧  
談轉清妙語勝絲竹夕陽照前軒翻恨長日速與君訂  
金石情誼等骨肉於茲方卜隣隔牆來往熟



出西直門至極樂寺

趁曉度石梁到眼清流泚迂軫緣坡陀日出深樹裏松  
風遞鐘梵蘭若卽在邇入寺清且幽繞徑花木美山僧  
引筧泉灌溉無時已煮茗愜道心繙經悟禪理諸君尋  
舊游我游從此始還指畏吾村一拜西涯氏是日爲六月九日李  
文正生辰偕時  
帳諸君拜其墓

極樂寺僧送花至

午齋憺無營山僧送花至恰當新雨後園圃宜種蒔紛  
紛紅間白燦然生嫵媚秋花滿閉階感此山僧意泥深  
土亦鬆高下隨所置忽然微風來離披非一致搖曳竹

間扉無端動秋思惟恐殘暑褪百卉易憔悴聊爲日暮  
娛感荷造物賜珍重勤灌溉相保勿相棄

幼兒六壽殤陳晴巖以詩見慰和韻述感

秋露驚看又似珠風前墮淚到童烏武林門外匆匆別  
舊事何堪記挽鬚

早慧如渠更可哀刹那幻化離塵埃只今汝母滄江畔

通潞何時挂席來

時兒生母  
戴已北上

追懷亡友俞漪綠二首

咫尺鄰家卽汝扉殷勤握別共沾衣故人已化山中鶴  
畱得白雲招我歸

鐙底扶筇過草堂白頭舊事怕思量年來兒女添新淚

更與何人說斷腸

憶辛酉冬漪淥過余城西草堂會是日送第三女之來鳳余淒然不樂一

僕抱幼兒六壽至漪淥笑而坐諸膝今漪淥既歿三女六壽相繼死悲夫

題五同圖爲陳水部稽亭作

五同者明吳文定寬陳都憲璠王文恪鰲

李文安世賢吳尚書洪凡五人以同鄉同官同志會於京邸作圖誌事都憲後裔工部主事鶴寶而藏之屬余賦詩

前明孝宗朝衆賢在朝宁吾吳多達者合志命疇侶良  
辰有佳會投綰復贈紵一時得五人酬酢罕鉏鋤如五  
星聚奎冠裳耀樽俎文定齒最長聲名重禁禦都憲殊  
謬謬昌言作柱礎文恪裕經術器量實宏鉅虞山暨松

陵莫逆心相與退食豐暇豫高梧蔭別墅呼僮抱琴劍

選石漱酒醕哄堂清話聞憂國丹衷許

見文恪詩

鬚麋入圖

畫詩什諧律呂無何亦星散茲會不復舉世事感夢泡

天道變寒暑人往三百年曩喆邈何所曾拜兩公像神

采見毫楮

余曾拜觀文恪像及文定游虎邱圖

今復瞻斯圖水部克藏弄

君乃都憲裔文行冠鵷序策名繼前修勵志續遺緒所

嗟同調希倡予孰和汝如余更衰拙誰歟共游處展卷

望嶠廓再拜獨延佇

### 秋懷一首

披帷竚涼月蘿薜生夕陰秋燈暗西壁燈下秋蟲吟望

遠苦疑睇傷我離別心我心本搖落節候復蕭森故人  
致繾綣貽我瑤華音讀之再三歎蘭氣彌空襟傾賞諧  
古懽泠泠邱中琴京華盛軒蓋寤寐非所欽諸君邈巖  
谷自昔同苔岑悵悵晚節乖有酒愁孤斟白髮皓如雪  
歲月徒侵尋終當采芝朮鍊藥求黃金

李石農出獄卽送其戍邊

故人出獄動離襟絕域從傷萬里心南國鯨涎噓毒霧  
朔風馬色入窮陰敝裘猶染衰親淚遠道誰聞少婦砧  
酒盡長安無別語刀環惟望主恩深

聞石農過臨潼

聞說流人夜渡河邊門積雪正嵯峨回看蛇影猶張弩  
去入龍荒獨荷戈沙色粘天迷古戍笳聲動地起悲歌  
遙知萬里刀頭夢只向西風汾水多

為澣雲題看山圖

天都之峯三十六鹵神之山峯九曲爾我家鄉富邱壑  
別到長安少清福何人尺幘圖煙鬟眼中突兀森孱顏  
懸流瀑布界空碧漠漠瀉入胷懷間有客巖邊結茅屋  
屋後長松屋前竹白雲在山恍似兜羅縣不肖出山毋  
乃戀山谷吁嗟乎如此看山意亦足况有青蓮詩可讀

澣雲嗜詩  
學太白

看山何事不還山休把青山畫裏看

清明日由東便門至通州飲謝薌泉官廨

礫礫春禽喚夢醒  
清明策騎出郊坰  
杏花趁曉漫舒白  
楊柳畏寒遲放青  
孤店酒旗風細細  
一城錫檐雨冥冥  
故人今日遠相待  
返我水邊通路亭

萬壽寺逢吳僧

忽聞古松下僧語是吳音  
言住楞伽寺白雲深復深

僧言

羅髮楞伽山之白雲菴

今從五臺至暫憩梅檀陰  
回首胥江路應

知返故林

僧今住京師梅檀寺

贈聞道士用雲林先生集中韻

公暇偶閉門拂几凝塵滿  
忽聞道人至來自華陽館呼

童煮玉泉香清浮茗盃  
堦墮雲影碧窗護苔陰  
暖因懷  
青溪子  
青溪乃聞  
道士師也  
卅載陳跡斷巢居羨故林  
越鳥何時返

得惕甫書知其自揚州還吳却寄

離別已隔歲故人勞遠音  
君方戀菽水余亦念園林  
茶筍食鄉味絲桐感客心  
泠泠七絃裏彈入渡江吟

寄山中人

一峯白雲外是爾門前山  
流水去何處落花相與閒  
憶曾訪高隱爲我啟柴關  
離別亦已久故園猶未還

憶山中用王仲山先生集中韻



幾家茅屋傍巖幽一派飛泉繞屋流如此溪山縈昨夢  
何年林壑續清遊臨崖松樹迎人立出洞桃花落澗浮  
祇笑東華走馬客此身不被白雲留

過隣家看花二首

數株如雪訪隣家靠著東闌幾樹斜坐久不知明月上  
夜深澹白在梨花

春陰漠漠動春愁懊惱年光逐水流三月東風最無賴  
海棠時節一登樓

落花二首

悼三女也

輕塵弱絮易成空葉葉啼鵲淚染紅種樹何心成薄命

託根無地怨狂風，魂消一夜隨流水。夢墮三春逐斷蓬，  
零落尋常身。世事怪他作別太匆匆。

寂寞江南憶故廬，天寒翠袖倚絲絃。三年搖落蠻煙裏，  
萬里飄零楚夢餘。長短因緣空復爾，去來劫火竟何如。  
傷心遺蛻春山蝶，未得臨風一葬渠。

望雨有作

驕陽熾煩燠，案牘復蠶午。薄暝氣稍涼，淅淅疑過雨。  
誰知微颺吹林杪，月又吐披襟一長吟。寥廓望天宇，農田  
已無麥。嗟咨徧蓬戶，安得永渡河。慰彼閭閻苦，年衰忝  
朝列。於世尚何補，參橫耿不寐。驚禽啼向曙。

爲周松靄悼亡四首

聞君有淚灑西河

松靄甫喪子壽親

痛到鰥魚更若何  
焚獨海

昌餘一老傷心偏入暮年多

兔牀叟與潛山子並有愁心託杜鵑  
贏得詩人多少淚

彈將綠綺不成絃

兔牀潛山皆先有騎省之戚

嶺外歸畊下潁田  
閩中都說少君賢  
百年夫婦終須別

君已齊眉六十年

黃昏微雨畫簾垂  
燕去雕梁便不歸  
十二年前腸斷事

西冷煙月瑣空幃

自題龍山一角圖時方憂旱

火繖當空苦炎燠突見九龍山一角龍山有雲兼有泉  
何不叱龍行雨下九天銀河倒瀉傾平淵沾灑頃刻盈  
芳田雷公砰訇電母笑之而鱗爪仍蜿蜒長安五月竟  
不雨有懷難向真宰訴平生已貧濟時心不如歸隱龍  
山去

送陳白雲宰青陽二首

綰符捧檄出都門作吏應知儒術尊帶水况教迎養便  
他時何以答君恩

池陽風物我曾經漠漠江潮接遠汀判牘晝閒簾卷處  
九華山壓縣樓青

送陳默齋副戎還閩四首

望海樓前瞰海門，六和高塔上朝暾。江山雄絕潮聲裏，

尚有錢王射弩痕。

余官杭州時默齋嘗有事於六和塔

偶返茅堂學隱棲，扁舟曾過伯鸞溪。柴門兩板梧桐底，

一角青山在郭西。

余曩自湖南歸默齋過余城西州堂共語於雙梧樹下

開府三山得故人，驂駟相賞出風塵。

默齋爲吾友阿韞雨窗制府所薦

刀帕首堂前客，愛爾儒生面目真。

燕市相逢六月秋，慙同杯酒話綢繆。它時虎帳論兵夜，

應憶長安有白頭。

題畫冊三首

昨過積水潭煙葉已離披荷風送香氣吾愛襄陽詩  
荷花秋士怕逢秋滴瀝聞秋雨畫裏看芭蕉不種芭蕉樹  
芭蕉人在湘江頭夢憶孤山麓一枝復纍纍翦破寒雲綠  
水仙

梅花天竹台景

### 聞蟬

午枕夢初醒蟬鳴深樹林喧知靜者理清見古人心抱  
葉得毋怨臨風時獨吟因君撫瑤軫一奏和平音

曩自湖南歸與俞漪淥比屋而居常與泛舟爲五  
湖之游比余之粵東漪淥送至南郭外閱五日漪  
淥遽沒葬於惠山之馬鞍塢今三年矣賦詩追悼

一自城南別三年不見君秋風杜陵屋落木鮑家墳埋  
骨鄰山鬼吟情夢水雲不知九峰下誰與弔斜曛

樂圃浹日不晤以詩招之

我有才難歎羊城喜識君鬚髯畱正氣肝膽寄斯文共  
對燕臺月回看嶺海雲如何不相見咫尺亦離羣

陶季壽招集趙象菴書齋有作

白髮三千爾許長憐他日月送人忙瀟湘有客傳芳訊  
約我尋游過草堂

城彎一曲舍人家亞字闌干石徑斜泥飲先開桑落酒  
難忘清興到茶瓜

諸君騷雅共梳爬吟徧新詩傍水涯堪笑吳儂來又晚

數叢開過日南花

前數日季壽諸子看荷淨業湖又象菴齋中建蘭頗盛今都敗矣

茅亭西角雨初收斜日遙穿隔院樓聽得蟬聲高柳外  
未涼天氣已先秋

### 退食之暇杜門卻掃庭無來迹賦此

適茲趨事暇偶得半日閒埽榻謝賓客寂靜如松關空  
庭有嘉樹好鳥鳴其間簷楹畱白雲相對疑在山時復  
把書讀可以弇愚頑又復把琴弄可以消憂患煮茗遣  
煩慮汲泉滌塵顏偶然作小睡夢游溪一灣既醒月已  
上耳際猶潺潺



爲吳雲海題桃花書屋圖

圖爲黃穀原作法時帆宮庶朱咸泉上舍先有

題

桃花書屋桃吐葩花開爛漫頰如霞我曾尋游半狼籍  
東風已埽林間花今朝忽向圖中見尺縑省識桃花面  
乳燕不語雛鶯窺亂蘸臙脂春一片主人愛客常開尊  
翰墨還兼絲竹喧么絃初撥小鼓唱往往勝事同西園  
明年約我花下醉酒酣喝月共遊戲花枝月影壓滿身  
落英如雨飄紅淚吁嗟萬事不可知朱生昨日歸江涔  
清秋黃子亦當別只有宮庶頻來茲我題此卷傷情款  
迷濛卻憶瀟湘館年來莫問看桃人白髮蕭蕭春夢短

湖南臬署後園古  
桃數本花開如錦

六月二十一日歐陽文忠生日陳碩士招集同人  
祀公於太乙山房余以事不克赴賦此貽之

廬陵公所產新鄭公所葬一生仕宦歷險夷六一之名  
在天壤公之去今七百春六月廿一公生辰長安舉祀  
事主者新城陳繫公魂魄在帝旁翩然下降臨斯堂慶  
歷相業比韓富西江學術開曾王立朝風采且勿道世  
上誰似公文章六季道喪極飢餓公出卓爲羣倫倡推  
明大道本仁義直繼孟縣籍湜僵近人紛紛競耳食虬  
蟬撼樹不自量學公不善乃滋弊江河安可咎濫觴我

會過公里螺江字江青迤邐我曾弄公像滁陽醉翁留  
髣髴叶孟公門前車騎喧我苦不得同清尊作詩爲君  
頌先詰此事當與知者論

由黑窑厰至陶然亭遠眺有作

路入葦花裏似乘江上船禪房隱疎柳人影破秋煙潭  
浸孤亭外山橫一鳥前居庸想蒼翠界斷夕陽天

鮭菜亭晚坐和時帆韻

秋影滿林薄虛亭涵翠煙人來紅蓼岸僧住白鷗天落  
日照衣冷晚風吹帽偏閑吟竟忘返山色挂簷前

蓮池和時帆韻

疎雨池上過颯然生夢涼林幽雜花氣鳥動掠波光一角露山閣三間留竹房西湖種荷處誰坐讀書堂

堂在西湖

之蘇公祠其左爲望湖樓余所建也荷花最勝

### 夢游山寺

谷口烟未暝夕陽三兩峯山風吹人衣白雲挂長松洗耳石共語支頤僧乍逢欲投何處宿杳杳聞清鐘

### 懷寄暢園

山色名園在泉流曲塢通時來倚礪石還復坐松風灘轉雲移鶴

園中臨水處爲鶴步灘

梁橫水映虹一從前歲別回首

暮烟中

秋日雨霽約陳編修碩士陶大令季壽游龍泉寺  
蓼紅蘋白渚邊橫雅背斜陽隔屋明好約故人攜夙釀  
重尋古寺趁初晴雲開一桁秋山色風急三關木葉聲  
卻憶淮南舊時桂頻年歸隱負幽盟

雨夜宿一畝園

忽起涼風小閣頭卧聞點滴枕函秋簷前雨合溪頭水  
并作西窗一夜愁

古寺

古寺深山裏雲堂四五僧老猿晨聽偈饑鼠晝窺燈溪  
吼一窗瀑松纏千歲藤前身記曾歷於此證三乘

送嚴樂圃之秦中

岩巖太華峯嶽色照行衣之子去關中隴坂秋雲飛爾  
昔宰劇縣亂後民人希辛苦招流亡拯彼哀雁饑諷爾  
憫農什令我涕淚揮茲復奉朝命爲丞出京圻行當  
典大郡五馬揚光輝簪組豈足重庶使百姓肥繫余苦  
拙宦夙願常多違衰老況無用大易稟知幾天開瀟陵  
樹地鑿峭函扉彈冠有同志孰云吾道非

鄉書

昨者鄉音至平安慰老夫前書還未達迢遞阻江湖旱  
失新禾熟窮添舊日逋平生思廣廈已惜歲年徂

淨業湖雨中荷花

淨業名藍一水偏

湖旁爲淨業寺

蕊珠高捧萬嬋娟  
紺雲冷浸

鷓鴣國白雨斜飛  
齒茗天鏡裏長虹  
三殿外夢中孤櫂  
五湖邊年來漫把  
荷衣卸忍負江南  
種藕田

偶興

一枕蘊蘊夢乍回  
庭前無數棟花開  
斜陽簾幕西風靜  
閒看蜘蛛結網來

送人之灤陽

去馬踏黃葉君從  
斷坂行秋山微有  
影遠水咽無聲雁  
路邊風急人家戍  
火明寒樓算吹角  
後夜宿長城

自題漆湖雜艇圖二首

漆湖卽五里湖

衡湘當日賦歸與會向湖干  
葺水居春雨秋風三歲別  
鰕肥鱸美復何如  
春雨鰕肥菰米飯秋風鱸美菊花  
杯高子水居句水居在漆湖之上  
柳陰跂足與悠哉  
落日漁船箇箇回  
湖上閒鷗應笑我  
如何頭白不歸來

題畫二絕句

江南三月亂啼鴛  
鴛外迢迢春水生  
怪煞垂楊烟萬縷  
殢人歸夢不分明  
春柳

西風搖落最關愁  
還有殘條映酒樓  
一片夕陽溪上路  
亂雅啼得不成秋  
寒柳



楊忠烈公血影石歌

在刑部堂階下

東林前事漚影滅留得西曹一點血大洪有骨骨如鐵  
不怕銀鐙三木折大呼高皇眦欲裂烏虜烹宗之際何  
事無日月昏雲纏妖狐許顯純輩肆毒痛人頭畜鳴有  
是夫君不見點將錄楊忠烈刑部堂血影石

爲周少司馬東屏題鄉關乘傳圖二首

圖爲東屏官少司農

時奉命祭告川瀆并察勘教匪情形作

頻年川蜀已休兵尙記鄉關擁傳行馬首人重臨大劍  
旄頭星未落天彭鼓聲喧入涪江路父老懽迎使者旌  
照得蒼顏雙鬢白林梢紅日挂銅鉦

司農衛

命問祠官故國華陽黑水寬嶽瀆尙傳先德

重

東屏尊人文恭公會奉是

命松楸應拜墓門寒瘡瘕益部需前

席烟雨巴山繞去鞍多少皇華心事在畫圖莫作錦衣看

再題漆湖維艇圖二首

出郭十五里一溪烟浪生應知宦游倦不改夢魂清頭  
已如鷗白眼還同水明相看仍不厭九隴挂簷楹

惠山一名

九龍山又名九隴

南去橫山塢長松蔭舊阡千秋封馬鬣廿載卜牛眠有

畫營廬舍

余舊有橫山丙舍圖

無貲拓墓田思親昨夜夢淚灑白

雲邊

八月廿八日吳蘭雪招集石溪詩舫祀王漁洋先生大興翁覃溪閣學携秋林圖先至屬賦長句一

首

順治歲乙未南宮羅羣賢吾祖冠禮經新城實同年公

司理揚州吾祖方歸田旣擢儀部郎權關長淮堧邂逅

一握手贈荅相流連

先高祖有清江浦遇王禮部阮亭詩

集名號寄阮遠

貽詩一編當時訂譜韻臭味同蘭茝迄今百餘載事往

隨飛烟東鄉有才子才調殊翩翩會值公誕辰招客薦

豆籩閣學先我至佳句揮雲箋並携秋林圖舊事紛墨

傳長洲竺塢筆

圖爲文與也手筆

林木何蒼妍時公官饑曹對

榻西樵聯讀書秋樹底良友多佳篇鈍翁初莽輩餘韻

流冰絃吾祖在江南題咏獨缺焉瀛也擬補之重結文

字緣却憶渡江日幼子侍我前手繙精華錄卷首公像

鐫兒問公何人我爲一一宣攤紙輒摹仿彷彿遇髯仙

是兒頗幼慧一旦成棄捐今日題公圖回首一惘然

丑乙

秋余自粵東之浙江幼兒六壽隨侍一日見余案頭精華錄有漁洋山人像兒問曰此何人余曰此詩人王漁洋也兒卽取紙摹之時兒方四歲

### 又題秋林圖二絕句簡覃溪閣學

卜居記得近精藍

漁洋嘗寓宣武門外之保安寺街今閣學亦居此

日下名流

山南詩集 卷一  
盛事兼今日西窗同跂脚何人摹繪入霜縑

誰華兩朶吐烟嵐錦秋湖邊秋已酣寄語堯峯莫相謔  
濟南山水似江南

覃溪閣學用漁洋月夜冰修子湘耦長見過韻詩  
三首見示卽用來韻荅之

宵長耿無寐看書屢黹燭窸窣窗外風荒階疑折竹何  
以遣蕭寂茶香酒初熟坐聞童僕語夜月已滿屋

衮衮九衢間

用漁洋句

獨念蘇齋客卜居近精廬相去僅咫尺

尺知公謝物喧無緣共晨夕再讀壁間詩飄泊鸞鳳跡  
京華續前夢荏苒歲又變日月不我居一去等飛電所

苦筋力衰安得金百鍊還憶東鄉子四十猶貧賤

來詩念及

蘭雪

爲趙象菴題菊隱圖

舍人齋中菊如海愛花何異珍百琲爛漫五色搖秋叢  
剪出天工破蓓蕾頽然吾老官京華出門頻到鷗波家  
舍人愛花兼愛客留髡酩酊歡無涯簾外青霜白晶晶  
葉脫寒林已如掃金門大隱興尙豪肯放尊空被花惱  
剡箋一幅屋半弓風流想象畫圖中我爲題詩轉怊悵  
舊事城南憶趙翁

吾鄉有趙翁武陽者居邑之城南割高公止水之半壘石種花余少時賞

菊處

十二月十九日祀東坡先生暨先淮海公於尙友  
齋陶季壽詩先成卽用其韻

先公知已蘇長公黃樓賦後常追從元符靖國事已往  
至今人尙思元豐一時姦黨紛集督渾敦檣杪安足數  
磊磊星斗懸蒼旻千秋長作文章主弔古勿復嗟數奇  
兩公姓氏兒童知歲寒巖畔水一勺寒泉秋菊如當時  
生前詩什互唱和共竄蠻荒忍寒餓寂寞焉知身後名  
尊酒年年慰輶軻遺像高懸玉局人瞻拜宛在西湖濱  
吾祖生辰不可考相將此日芼溪蘋前年嘉會記何處  
式齋已死蓉裳去百年世事如風燈座上賓朋雜新故

官貧羞漚囊少錢猶有粗糲堪留連蘇齋一叟頗好事

詎肯輸與翰墨緣

是日覃溪閣學亦舉斯會

聞說杭州祀無廢華

瑞

黃項壩

常同花下醉權將小屋當西湖畫裏松篁墮幽

翠

齊中懸奚岡龍井圖

覃溪閣學屬題李委吹笛圖圖爲錢裴山光祿作  
我昔乘舟訪赤壁雪堂無人畫寂歷坡公會記住黃州  
有客臨江吹玉笛南飛一曲蒼龍吟鶴去空冥何處尋  
尺輜錢郎餘髣髴江上數峯愁我心